



[www.BibleForChildren.org](http://www.BibleForChildren.org)




युहनाल 14



येसु असा इतुर, “मिया मन दुःखि आयमाकि। अनि परमेस्वरनिगा  
विस्वास इरान्तोरिट अनि नावागा वने विस्वास किम्ट। अनि नावोर  
बाबोना लोतिगा मन्दान साटि पकाय जागा मन्ता; जागा हिले आस  
मनवार ते नना मिकुन वेहच मनेना।”



“नना मिया साटि जागा तयार कियान साटि हन्दिना आतोना। अनि  
नना हन्जुन मिया साटि जागा तयार कियाका ते नना बगा मन्दाका  
अगा निमाट वने मन्दाना साटि असा वासुन मिकुन आपुनासंग  
ओयिका।”




मिवोर तमो अनि येसुना पकाय तकलिपतिगा अनि राज्यतिगा  
अनि पोसोरिंग सहेन कियानातिगा मिया सहभागि मन्तोना  
नना युहन्ना, परमेस्वरना पोल्लो अनि येसुना

गवाहिता कारण समुद्र नडुम मन्ता  
पतमुस पोरोयता टापुतिगा

मतोना।




सान्डेय नना पवित्र आत्माता पुरा नियत्रणते आतान अनि स्वरगतिगा  
उन्दि सिंहासन हुळतान अनि ओद सिंहासनतिगा बोरे उदितोर  
हुळान्तोना।




असके पजा स्वरगतिगा अनि दरतिगिगा अनि दरतिता  
अडिय अनि समुद्रता मन्ता (अनि ब्रंमान्डतिगा मन्ता)  
सबोय सृष्टि इदाम पाटांग ओयाना केन्जतान,  
“सिंहासनतिगा उदितोर अनि बेळा पिलाता  
धन्यवाद अनि आदर अनि महिमा  
अनि राज्य सबोय काळदे मनि।”




पजा पुनाल येरुसलेम मन्जे पवित्र सहेर आपुना मुजोन साटि सोबाय सजेमान्ता दुल्हि लेहका स्वरगताल परमेस्वरना हेरेटाल रयानपा नना हुळतान। पजा नना सिंहासनताल इदाम पकाय जोरदे लेंगते इन्दानपा केन्जतान, “हुळा, मानेयना नडुम परमेस्वरना मन्डा। परमेस्वर ओरासंग मन्दानुर, अनि ओरक परमेस्वरनोर लोकरक आयनुरक, अनि परमेस्वर ओरा परमेस्वर आस ओरासंग आपुनास मन्दानुर।”



पजा सहेरता हरिता नडुम परमेस्वर अनि बेळा पिलाता सिंहासनताल  
पसियस पोंगता जिवन हिन्ता एता उन्दि पोंगता नदि स्वरगदूत नाकुन  
तोहतुरा। ओद नदि काचता लेहका साप मता।



ओद सहेरतिगा पोळद अनि नलेंजता वेळिचिता जरुरि हिले, बाक्याकि परमेस्वरना मान्जानाते अगा वेळिचि आयिला आता अनि बेळा पिला अदेना टिवरि आन्दुर।




मति केवल बेळा पिलाता  
जिवनता पुस्तकतिगा पोरोय  
कोटता मन्ता ओर लोकरक  
अगा दायनुरका। मति बोदे  
अपवित्र चिजक, लज्जाता बुतो  
अनि खराब बुतो केवालोरक  
बोरे अगा हनोर आयनुरका।




“परमेस्वर ओरा कोन्डातांग कनेळक  
सबोय उमस वाटनुर, अनि इदेना पजा  
असा हामुर मनो आयार, अनि असा बोदे  
दुःख, किलाना अनि बोदे नोमुर मनो  
आयार बाक्याकि अव पहलेटा सबोय  
पोल्लोंग आतुंग।”




बोदे सराप असा मनो आयार, परमेस्वरना अनि बेळा पिलाता  
सिंहासन ओद सहेरतिगा मन्दार अनि ओनोरक दास ओरा सेवा  
कियानुरक। ओरक ओना चेहरा हुळानुरक, अनि ओना पोरोय ओरा  
कपारक पोरो कोटता मन्दार।



पजा नना हुडलोर-हजोर इदाम सबोय हातोरकुन सिंहासनता मुने  
नितितोर हुळतान। अनि पुस्तक तरियहतुर, अनि जिवनता पुस्तक  
पोरोयता असा दुसरो उन्दि पुस्तक वने तरियहतुर, अनि ओव  
पुस्तकतिगा कोटता मता अदामे ओरा बुतोता अनुसार हातोरा न्याय  
कितुर। अनि जिवनता पुस्तकतिगा बोना पोरुय  
कोटो ओन किसता ओद तळायतिगा वाटसितुर।



आत्मा अनि दुल्हि इवुरास इन्तांग, “वाय!”; अनि केन्जवाल वने,  
“वाय!” इन्जोर इनिर; एर उन्डावसता मन्ता ओर वायिर, अनि इच्चा  
मन्ता ओर जिवनता एर फुकोटते येतिर।



परमेस्वर आपुनोर वरोरे मरिनिगा बोरायि  
विस्वास केविर ते ओना नाश आयमाकि मति  
ओन अनन्त काळता जिवा पुटि इन्जोर  
परमेस्वर आपुनोर वरोरे मरिन हियान  
साटि इद दरतिता लोकरकुन  
पकाय मया कितुर।



रोमि 3:23 बाक्याकि सबोय लोकरक पाप किसुन परमेस्वरना महिमाता  
योग्य मनोर आतुरक,

रोमि 6:23 इन्जोर पापता मजदुरि हायाना मन्ता मति परमेस्वरना वरदान  
मावोर प्रबु येसु मसिना द्वारा पुटता अनन्त जिवन मन्ता।

यहुदि 9:27 अनि सबोय मानेयक उन्दि बेरा हायानुर असके पजा परमेस्वर  
न्याय कियाना पहाजे इदाम परमेस्वर निवळे किता मन्ता।

इफिसुस 2:8,9 बाक्याकि विस्वासता द्वारा दयातेय मिया पिसाना आता,  
अनि इद मिकुन आपुना बुतोते पुटिला परो मति इद परमेस्वरना दान आन्दु।  
बोरे इदेना अभिमानि केवो आयिकाट इन्जोर इद मावा किता बुतोता  
कारणते वने आयो।



रोमि 10:9,10 “येसुये प्रबु आन्दुर” इन्जोर निमा आपुना टोडिते स्विकार  
किस परमेस्वर ओन हातोरिगाडाल असा जिवेहकितोर इन्जोर निमा  
आपुना मन्दिगा विस्वास किन्तोन ते निया पिसाना आयार इन्जोर  
परमेस्वरना पोल्लो मन्ता। बाक्याकि पुरा मन्दे बोर इद विस्वास किन्तोर  
ओने परमेस्वर आपुना मुने येताना योग्य ठहरे किन्तोर अनि बोर अदेन  
आपुना टोडिते स्विकार किन्तोर ओने पिसानुर।

युहनाल 3:16,17 परमेस्वर आपुनोर वरोरे मरिनिगा बोरायि विस्वास  
केविर ते ओना नाश आयमाकि मति ओन अनन्त काळता जिवा पुटि इन्जोर  
परमेस्वर आपुनोर वरोरे मरिन हियान साटि इद दरतिता लोकुरकुन पकाय  
मया कितुर। दरतिता लोकुरकुन दन्डता न्याय हेविर इन्जोर परमेस्वर  
आपुनोर मरिन दरतितिगा लोहोर मति ओना द्वारा लोकुरकुन मुक्ति पुटान  
साटि दरतितिगा लोहतुर।



१ युहनाल 5:11-13 अनि परमेस्वर माकुन अनन्त जिवा हितोर अनि इद जिवा ओनोर मरिनिगा मन्ता इन्जोर ओद गवाहि मन्ता। बोना हेरे मरि मन्तोर ओना हेरे अनन्त जिवन मन्ता अनि बोना हेरे परमेस्वरनोर मरि हिलेर ओना हेरे अनन्त जिवन वने हिले। परमेस्वरना मरिना पोरोयते विस्वास किन्तोरक मिकुन नना इव पोल्लोंग कोटान्तोना मिकुन अनन्त जिवन मन्ता ओद मिकुन पुन्दान साटि मन्ता।



युहनाल 14; २ कुरिन्थुस 5; तोह 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Muria Far Western NT (fmu) © (Active) Wycliffe Bible  
Translators, Inc. All rights reserved.

<https://www.bible.com/bible/3169/MAT.1.FMU>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

